

汝縣志畧

王永江題



中華民國九年三月

復縣志略

東沙馮景韶



原夫仰規邱索斷資良吏之方能說山川
始副大夫之選是以東陽蓋任洪景盧銘
槃成書西蜀服官趙清獻古今有記自
東邑志纂輯恒由令長提擢往謀燦然前
徽負矣復縣知事程守初系衍崑山宦遊
遠海顏斐雋聲早蜚於十郡仲縣治績

將報於三年廼復分吏牘之餘開輯志書
為定今宰皋庶政摠括前聞雖屬辭比事
未淹晷序以觀成而訂墜撝殘誰識權輿
之匪易今夫蜀坂九折發軔維艱楚臺三休
拓基宜潤果使志有舊編邑存私史則既取
材而弗匱何難踵事以增華復邑則僻處



海瀛罕閩里乘傳瑯琊之孝義疇繼王澄
訖荆楚之歲時豈逢宗懍重以甲午麋沸
庚子蟬聯十閱星霜兩征戰伐官解推殘
於楚炬簿書燹毀於秦燔郢都被寇雞次
之典無存司鐸成灾象魏之書並燼望嗷
鴻之餘集安宅何依睠元鶴子歸來道民非

昔而守初乃櫛撫夫薦紳所記網羅於兵燹
之餘中戰爭於滁邑歎起歐陽問疾苦於春
陵心愴元結由是廣哀政教博綜人文據準
望以成圖沿旁行而列表柞業萬樹則詳記
蠶功綴畧百囊則旁賅漁業存吳姑之軼事
訪古荒城溯顏姪之哀詞搜竒片石文仍志體

尚沿周史佚之遺書以畧名匪襲漢劉歆
之舊豈非作職方之矣較導守省志之先河者
乎嗟乎里乘甚細實備方閭閻史雖微深
閩治平是編撫遺文於將墜先各縣而觀
成偏隅能紀六檮杌之支流快覩爭先若鳳
皇之片羽異日者續修共倡補纂加詳大輅

告成椎輪是賴將見徐渭會稽之志俞君願
繼以丹鉛石湖吳郡之書王氏定資為藍本
入輶軒之採訪或附石渠東觀之編借河嶽
以昭垂之壯嵐嶺西屏之色民國九年三月
東三省巡閱使奉天督軍兼省長張作霖

拜序



民國八年十月復縣程邑侯出其所作復縣志畧問序於予。既受而卒讀。廼為序而歸之。古者一代之興必有一代之制作。一代之制作必取一代之事蹟而備錄之。所以尊國體嚴史例也。然而高山大川異域寒暖異候。土壤異質。五方之民異性。飲食言動異習。好尚異趨。尤必賴其地之

自有其書以紀其實。斯今之為一鄉一邑之文章。合之為一國一天下之實錄。如神禹之任土作貢。周禮之體國任野。所謂原三本三有。載無遺者。皆志書所由積也。復之邑僻在渤海之濱。其去省城之遠且六七百里。居民之治生。儉嗇。魚鹽滿布。而外產無餘積。是亦荒僻之邑。者守土之吏。一困於史治。

再困於外交終困於水旱荒歉其不能顧及
文事而著為令典也亦時勢使然獨是世變
殷矣庚子甲辰而後五大洲之耳目畢萃於
長城以外而於南海一隅尤為眈眈逼視不可
遏抑故凡未游之士陟峯穴陵坑谷歷城邑
鄉鎮日求金石文字以冀入我之室窺我之奧

而吾之臨是民守是土者反且菲焉忽焉不
甯可愧耶是書之作願能合天時地利風俗
政教彙為一編言之歷歷雖不可語以國史之
謹嚴通志之完備然自切要處觀之亦可謂急
於先務無忘民事矣往者歐洲浮海東來談及
中國史事每以君史多民史少為吾國之詬病


嗚呼彼其所論蓋徒見勳華表頌多主鋪張
閤巷歌謠半歸諷勸遂致為不經之語以相詆
誣耳使得是書而讀之其能無爽然失哉
民國九年三月奉天政務廳長魁陞謹序




古之從政君子於身所親至必覽其圖籍察其山川
考其文字訪其謠俗禮其耆老著其方物以備掌故
而後地方形勢及古今沿革與民間利病所在乃始
瞭如指掌焉此志之所由作也吾國二十四行省省
各有志固矣即每省所轄縣大者百餘小者數十亦
莫不有志惟奉天改設行省未久清光宣間廷恆以
一未僚歷官撫順寬甸安東諸縣而縣皆無志廷恆
輒不自揆冀效其區區所在甄錄叢殘凡其圖籍之
所指陳山川之所界限文字之所載述謠俗之所宣
播耆老之所傳聞方物之所留貽於古今沿革中考
覈加詳各著為新志以示縣人非敢備掌故也亦將
竊附於古之從政君子云爾惜安東縣志方在編輯

未竟前功而廷恆即奉命量移視事復縣復縣舊稱
復州遼金以來代有設置其圖籍之所指陳山川之
所界限文字之所載述謠俗之所宣播耆老之所傳
聞方物之所留貽隻羽片鱗均關國故廷恆於此烏
敢不自蠹沒乎爰與縣之人約設局咨訪苟與地方
形勢古今沿革及民間利病有關涉者則彙而存之
歷歲二周共得稿如千卷書付梓人區區之勤亦已
遂矣惟是廷恆學識無似自念此書之成疎漏萬所
不免方雅君子或將笑之然今奉省當道方纂修通
志專心致力以成一家之言而周爰咨詢不遺僻野
吾復之有縣志雖未足語於掌故容亦為通志局土
壤細流之一助歟

中華民國八年九月崑山報廷恒識






復縣知事程廷恒



影合人同志縣纂編



復 縣 全 城



復縣行政公署



國民七年春季全境學校運動會

中華民國八年清植節知縣事農長來職男學在壇樹紀念
知縣事農長來職男學在壇樹紀念

